



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XI. Explicatur quænam sit sufficiens fidei propositio.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

amor nimis modicus divinæ veracitatis, efficiat ut humana mens minùs consideret motiva probantia credibilitatem, quām retrahentia ab assensu præstanto. At verò dum nō sit erga Deum & ea quæ Dei sunt affectus talis est, qualis esse debet, efficit ut mens intendat iis quæ articulum propositum reddunt credibilem, ut factum legimus in muliere nomine Lydia, cuius Dominus aperuit cor intendere his quæ à Paulo dicebantur, ut Spiritus sanctus testatur Act. 16. Experientia quoque docet divini amoris defectum, propriisque amoris excessum, non raro in causa esse, quod homo, licet convictus, captivare renuat intellectum in fidei obsequium, sive quia apprehendit sibi nimis molesta & dura esse, quæ secundum doctrinam fidei circa mores precepta sunt; sive quia captivatio illa ad credendum mysteria humanam rationem superantia, molesta videtur iis, qui effectum rectè dispositum non habent erga Deum illa reverantem.

152 Quintum denique requisitum (ut scilicet assensus præbeatur formaliter vel virtualiter propter motiva & requisita antè dicta) reperiri constat in assensu fidei: ut pote in quo Deus (ut proximè dictum est) illuminat mentem, voluntatemque movet ad assensum illum per amorem erga Deum, tamquam supremam veracitatem, conformiter ad rectissimam rationem, prudentiæque dictamen. In quo assensu Ecclesiæ authoritas intervenit quidem, tamquam notificans, ac certificans, Deum revelasse nobis tales vel tales articulos per Scripturam vel traditionem, sed solus Deus, seu veritas ipsius, propriè habet rationem motivi. Ecclesia vero solum intervenit ut nuntia, vel depositaria rerum divinitus revelatarum. Unde credimus quia vera est qui afferuit, non quia fidelis est nuntius, qui afferuisse nuntiavit; etiam si hoc ultimum ad fidem præsupponatur per modum convictionis, conditionisque assertiōnem illam nobis applicantis, quemadmodū applicatio ligni ad ignem requiritur ad combustionem ligni. Postquam verò per Ecclesiæ authoritatem nobis applicata est assertio Dei summè veracis, de eaque convicti sumus, fidei lumine illustramur, ac certificamur de veritate articulorum fidei, sive quid fides nostra, non hereticorum, sit vera: quemadmodum Samaritani, auditæ muliere, Joannis 4. dicente: *Venite, & videte hominem, qui dixi mihi omnia quacumque feci: nunquid ipse est Christus?* propter testimonium ipsius exierunt ad Christum, ac tandem, post instructiones ab ipso acceptas, dixerunt: *Jam non propter loquaciam tuam credimus: ipsi enim audivimus, & scimus, quia hic est vere Salvator mundi.* Mulier illa (inquit Schola stici) representat Ecclesiam, cuius loqua seu testimonium antecedit al-

sensum nostrum. Sed quemadmodum Samaritani, ab ipsa edociti, Christum ipsum postea in sua civitate docentes audierunt; sic fideles, ab Ecclesia edociti, Christum per gratiæ illustrationem, piamente affectionem erga credenda interius docentes audiunt, ipsique tandem præbent assensum, non jam propter Ecclesiæ autoritatem, sed propter authoritatem Dic, tamquam motivum, ita ut Ecclesiæ dicere possint: *Jam non propter loquaciam tuam credimus: ipsi enim ipsum intra nos loquenter audivimus, & scimus, quia ipse est infinitè verax.*

CAPUT XI.

Explicatur quænam sit sufficiens fidei propositio.

Dicendum 1º. censi sufficienter proposita pueris piæ vitæ, tamquam à Deo revelatam, quando ut talis, & ut miraculis, atque innumerabilium Sanctorum & Sanctarum professione illustrata, proposta est à suo Parocho, seu alio viro, quem prudenter existimant ita doctum & pium, ut sine formidine judicent verum esic quod dicit, scilicet veritatem illam à Deo revelatam esse. Tunc enim superveniente cœlesti lumine, pioque motu interno Spiritus sancti, prudenter & firmiter credere possunt, adeoque debent.

Dicendum 2º. fidem infidelibus censi sufficienter propositam, quando vel rationibus, vel miraculis, vel aliis signis credibilitatis, moraliter certificati sunt, eam à Deo revelatam esse, ut de eo nulla ipsis superficie rationabilis formido. Neque enim major certitudo divinæ revelationis requiritur in pueris de quibus antè. Neque requiritur, quod pondus rationum, quibus divina revelatione redditur ipsis creditibilis, sit tam firmum, quam est assensus ipse fidei: cum assensus iste non nitatur rationibus illis, tamquam motivo (alias fides naturalis esset, humana esset, divina non esset, argumento que generaretur, seu dialektico ratiocinio, non captivitate intellectus in obsequium divini testimonii) sed solo Dei testimonio, omnibus rationibus nostris firmiore; firmitas proinde ac certitudo rationum illarum (utpote ad fidem se habentium, ut praembula, non ut motiva) mensura non sit firmatus ac certitudinis ejusdem assensus, sed verbum Dei, acceptum, sicut est verè, ut verbum Dei, non ut verbum hominum. Unde meritò ab Innocentio XI. damnata est haec propositio: *Voluntas non potest efficere ut assensus fidei in seipso sit magis firmus, quam mereatur pondus rationum ad assensum impellentium.* Si propositio haec vera esset, fides non esset assensus firmior omni demonstratione, prout esse docet post Apostolum Pe-

Petrum Clemens Alexandrinus.
Dicendum 3º ad assensum fidei, verè, seu entitativè divinæ, & supernaturalis, non sufficere notitiam solum probabilem divinæ revelationis, cum formidine quā quis formidet, ne non sit locutus Deus; sed oportet moraliter certum esse conscientia dictamen de eo quod fidei veritas à Deo revelata sit: ita ut de eo non possit quis prudenter, & rationabiliter dubitare, multò minus assensum verè supernaturalem, tali veritati ut à Deo revelatae praestitum, prudenter repudiare.

155 Probatur, quia licet ad assensum fidei, verè, seu entitativè divinæ, necesse non sit, divinam revelationem nobis applicari, seu innoscere per signa, seu motiva credibilitatis, æquè infallibilia atque est ipsam divina revelationem; sed sufficiat, quod nobis applicetur, & innoscatur per signa, seu motiva credibilitatis, physice quidem, aut metaphysice infallibilia, sed moraliter infallibilia (ut patet, tum in motivis credibilitatis, siue inducīvis extrinsecis, quibus movemur ad fidem, non innitentem illis, tamquam motivo, sed autoritatē Dei revelantis, quæ sine dubio majoris est infallibilitatis, quam illa sint. Tum in motivis credibilitatis, quibus moverem ad credendum, quod hostia fit consecrata, quorum moralis certitudo sufficit ad absolute credendum, fide verè divinæ, Christum in ea realiter esse) necesse est tamen ea nobis applicari, & innoscere per signa, seu motiva credibilitatis, moralem omnem formidinem excludentiam, adeoque moraliter plusquam probabilia: quia formido de divina revelatione, sive ne hoc non dixerit Deus, pugnat cum fide divina, & supernaturali, saltem absoluta. Quia actus fidei debet esse certus & infallibilis, tamquam certitudinem, & infallibilitatem sumere ex motivo, cui innititur, ex divina utique revelatione. Si igitur de divina revelatione non constet, sed vel dubia sit, vel de ea rationabilis sit formido, non appetit quomodo actus fidei illi innitens, certus & infallibilis esse possit.

156 Deinde si actus fidei supernaturalis staret cum notitia solum probabili divina revelationis, & cum probabili formidine in contrarium, ut aliqua propositio fidei divinæ, & infallibili absolutè credi posset, sufficeret eam solum probabiliter esse contentam in universalis de fide, adeoque hæc propositio, nullus utiliter ad salutem operatur sine physica prædeterminatione, fide divinæ & infallibili credi posset, & pro ipsa posset quis mortem oppetere. Sed hoc dici nequit. Qui enim hoc assereret, assereret physicam prædeterminationem esse de fide; quod si quis assereret, corriperetur ab Inquisitione, tamquam impingens in Bullas Pontificias. Probatur sequela majoris: quia propositio illa probabiliter continetur in universalis de

fide, hac videlicet: *Nullus operatus utiliter ad salutem sine auxilio efficacem: sub ea namque probabiliter subsunt potest. Sed auxilium efficacem est physice prædeterminans. Ergo nullus utiliter ad salutem operatur sine auxilio physice prædeterminante, ac proinde fide divinæ credi posset existentia physica prædeterminationis.*

Nec solum istud inconveniens sequetur, sed & duo contradictoria fide divinæ credi posse, dari scilicet, & non dari physicam prædeterminationem. Quia probabile est cam dari, probable item non dari,

tamquam existentia, quam non existentia illius probabilitatis contenta est in universalis de fide. Existentia quidem, ut jam ostendimus. Non existentia verò probabilitatis continetur in hac universalis propositione de fide: *Nullus operatus utiliter ad salutem; sed meritorie, nisi liber à necessitate: utpote sub qua subsunt potest. Sed sub physica prædeterminatione non est liber à necessitate, uti probare conantur Authores omnes scientiae mediae. Ergo nullus operatur utiliter ad salutem sub physica prædeterminatione.*

Et hinc tertium sequeretur inconveniens, 158 quod utique actus supernaturalis, & fidei divinæ, posset esse falsus. Alteruter quippe ex actibus illis, sibi invicem contradictibus, est falsus, quamvis uterque credibilis sit fide divinæ & supernaturali; nisi vera sit assertio nostra.

Ob hæc & alia Innocentius XI. merito 159 damnavit sequentem propositionem, damnandoque, nostram stabilitatem assertionem: *Assensus fidei supernaturalis, & utilis ad salutem, stat cum notitia solum probabili revelationis, immo cum formidine quā quis formidet, ne non sit locutus Deus. Eo tamen non obstante*

Respondeo 4º infidelem, qui post seruum 168 examen, mature judicat fidem nostram esse credibiliorem, seu probabiliorem, licet sequam suam censat adhuc probabilem, teneiri ad sectam suam deserendam, & fidem nostram amplectendam. Ita determinavit Ecclesia, per Innocentium XI. damnando hanc propositionem (quam noster Lumbicus observat. 6. ad propos. ab Innoc. XI. damnatas n. 117. dicit inter Moderniores fusile communem) *Ab infidelitate excusat infidelis, non credens, ductus opinione minus probabili. Et ratio est, tum quia à peccato non magis excusat qui in credendo sequitur opinionem minus probabilem, quam qui in agendo. Tum quia lumine naturæ evidens est, illam fidem, seu religionem præ cæteris amplectendam, quam vel certò constat esse veram, vel (si de nullius adhuc veritate certò constet) constat tamen hanc præ cæteris esse verisimiliorum, seu veritati proximiorem, maximè si cæteræ sectæ per eam omnino damnentur, ac reprobentur. Cùm in re tanti momenti, unde pen-*

det æterna salus, naturæ lumen aperte di-
ctet, veritati appropinquandum, falsitatibus
que periculum fugiendum, quantum fieri
potest. Tum denique, quia infidelis (de quo
in casu) nequit bonâ fide persistere in proba-
bilis sua infidelitate: cùm possit, ulterius
investigando notas veræ Religionis, & Ec-
clesia, veritatem certò deprehendere. Pro-
babilem verò opinionem nullus prudenter
sequitur in re, in qua veritatem certò po-
test attingere; sed tenetur tunc veritatem
sequi, quam certò potest. Ideoque quod
in materia fidei, ab Ecclesia Romana pro-
posita, non licet sequi opinionem proba-
bilem, contra probabilem, tenent omnes,
teste Ledesimâ 2. 2. tr. I. c. 5. con-
cluſ. 5. & 6.

161 Obijcies 1º. Infideles non tenentur cre-
dere, seu amplecti fidem nostram, nisi suffi-
cienter propositam: sed in casu praesenti non
est sufficienter proposita. Quia illa non est
sufficiens propositio fidei, ad quam sequi non
potest assensus fidei supernaturalis. Sed as-
sensus iste non stat cum notitia solum proba-
bili, quod res à Deo sit revelata, neque
cum morali formidine in contrarium, ut
constat ex dictis num. 146. & Ecclesia de-
claravit suprà n. 150.

Respondeo concessâ majore, distinguen-
do minorem: non est sufficienter proposita
ad credendum fide in re absolutè divinâ &
supernaturali, concedo: non est sufficienter
proposita ad credendum fidei conative, &c.,
quantum in se est, divinâ, id est ad conandum
(quantum in se est) elicere fidem divinam, &
supernaturalem, nego. Talis itaque assen-
tiri tenetur fidei nostræ, ob divinam re-
velationem, faciendo quod in se est ad ex-
pellendam omnem formidinem, caeleste lu-
men implorando, Doctores Catholicos con-
sulendo, sibique majorem instructionem
procurando. Quibus praestitis, si formidi-
nem ex toto expellere non possit, elicit
actum fidei objectivè divinæ (qualem elici-
unt Hæretici circa mysteria, que nobis-
cum credunt, ob divinam revelationem, uti
& simplices Catholicî, ob idem motivum
credentes B. Virginem immaculatè concep-
tam, quia credunt id ab Alexandro VII. jam
esse fide definitum) tametsi non entitativè
divinæ. Si autem divinâ gratiâ adjutus, in
fuo conatu indubitanter, & sine illa oppo-
siti formidine procedat (stante, ut reverà
stat, coram Deo rei veritate) tunc elicit
actum fidei entitativè divinæ. Quæ tunc
non coniungetur cum notitia solum proba-
bili divinæ revelationis, sed cum notitia
moraliter certa, utpote moralem omnem
formidinem excludente.

162 Obijcies 2º. Nullus tenetur mutare re-
ligionem, in qua haëtenus fuit, quamque
cum lacte suxit, quamdiu de illius errore
ipſi non constat. Sed de errore ipſi non
constat, quamdiu sua illa religio appetit

ipſi probabilis. Ergo. Minor patet. Pro-
batur major, tum quia periculum est non
assequendi veram religionem, quando de ve-
ra non constat. Tum quia talis mutatio,
si foret necessaria, obligaret hominem ad
magnum inconstantiam in materia religio-
nis: quia obligaret ipsum ad eam frequen-
ter mutandam, dum frequenter fit, cras
videri minus probable, quod hodie proba-
bilis videtur.

Respondeo negando majorem, quando
post scrim examen judicatur falsa, tamen si
judicio non omnino certo, sed probabili-
re. Ad primam ejus probationem, aio,
majus esse periculum non assequendi ve-
ram religionem, manendo in ea, quæ post
maturum examen creditur probabilius falsa.
Quando verò periculum omni ex parte ca-
veri non potest, prudentia dictat majus pe-
riculum cavendum, quantum fieri potest,
camque proinde religionem eligendam, in
qua minus est periculum. Ad secundam
probationem, nego antecedens, si cum Dei
gratia faciat quod in se est: quia scilicet
fundamenta quæ religionem nostram proba-
biliore reddit, adeo solida sunt, ut non
possint, nisi vitio ipſius, postmodum ipſi 163
apparere minus probabilitas.

Obijcies 3º. Ex doctrina nostra seque-
retur, Catholicum teneri ad mutandam re-
ligionem, quoties Hæreticus, vel Philoso-
phus ethnicus talia ipſi proponeret argumen-
ta contra mysterium Trinitatis, vel In-
carnationis, vel Eucharistie, &c. ut iis se-
ductus, probabilem judicaret sectam,
mysteria illa negantem.

Respondeo negando sequelam. Vel ci-
nim Catholicus est vir doctus, vel indoctus.
Si est doctus, non est isti periculo locus. Si
indoctus, debet judicare se incapace ad
ferendum de argumentis illis judicium; a-
deoque tempus sumere, ut caeleste lumen
implore, remque cum doctis Catholicis con-
ferat. Quod si faciat, detegetur ipſi falla-
cia illorum argumentorum. Neque enim
ipſi, facienti quod in se est, divina gratia
debet ad conservationem veræ sua religio-
nis (sicut infidelibus deest ad conservatio-
nem falsæ lectionis suæ) immo Catholicis, facien-
tibus quod in se est, nec se gratiâ divinâ indi-
gnos reddentibus, Deus infundit superna-
turalem quamdam fidei certitudinem, exclu-
dcentem formidinem ad instar certitudinis ex-
perimentalis. Inde enim, in ipsis etiam fe-
minis, & pueris, tantam fidei experimur fir-
mitatem; quod siquicunq; in errore inducantur,
vitio, & culpâ ipsorum id accidit, nec proin-
de error ipsis est invincibilis, sed vinci-
bilis & crastinus.

Obijcies 4º. Saltem infideles non tenen-
tur credere, quamdiu sua secta videtur ipſis
æquè probabilis ac nostra.

Respondeo teneri suam deserere, nostram
que amplecti, si sic utraque videatur ipſi
tene-

æquè probabilis, ut nostra tunc videatur. Quia in dubio tanti momenti viam eligere tenetur tunc. Si utraque appareat æquè probabilis, & simul æquè tuta; ne in tali dubio salutem suam in discrimen adducat, tenetur veritatem tali modo & tantum inquire, quomodo & quantum veritas tam momenta querenda est, à Deo celeste lumen frequenter & perseveranter petendo, divinæ gratiæ obstacula removendo, conscientiam suam purificando, veritatem sinceror corde desiderando, viros notæ probitatis & doctrinæ consulendo, &c. Quæ omnia si sedulò perficerit, Deus tenebras ipsius illuminabit. Constat namque ex sacris Litteris, sapientiam, in necessariis ad salutem, non deesse toto corde exoptantibus, & debitè invocantibus eam. Ideoque per ipsum stat, culpaque ipsius tribuendum, si in dieti necessariis non illuminetur, vitiatio proinde suo manebit in errore, si maneatur. Cùm enim Deus velit omnes salvos fieri, adhibitā debitā diligentiā, omnes invenire possunt veram religionem, & Ecclesiam, extra quam non est salus. Quod si in non necessariis necessitate medii ad salutem, Deus non illuminet, factaque debitā diligentiā, nec fidei nostræ veritatem, nec credibilitatem, seu probabilioritatem, nec majorem securitatem infidelis assequi potuerit, videtur tunc manere in terminis infidelitatis pure negativæ. Sed ejusmodi casum vix, ino nec vix contingere puto. Ideoque arbitror vix ullos, si ullos, esse infideles, qui non sint formaliter infideles, si post conscientia remorsum, & dubium de veritate, securitateque fœtæ sua, in ea permanerint. Vix enim ulli sunt, qui in tali dubio ac remorsu, vel tantam adhibeant sollicitudinem, orationem, conscientiæ purificandæ curam, virorum doctorem, omnique exceptione majorum consultationem, &c. quantam restanta exigit; vel qui, eā adhibitā, faltem non videant nostram esse probabilem, vel securiorem. Quo viso, si in fœta sua permaneant, peccant lethaliter peccato infidelitatis.

¹⁶⁵ Moveor ad istam sententiam: quia licet dabilis sit in infidelibus ignorantia pure negativa (ad eoque inculpata) mysteriorum fidei (uti Ecclesia declaravit, docentque Theologi communiter cum S. Thoma 2. 2. q. 10. a. 1.) hoc tamen S. Doctor intelligit de infidelibus, qui de mysteriis fidei nihil audierunt, non de iis quibus mysteria illa saltuens eouque proposita sunt, ut sentiant internum remorsum de fœtæ sua saltate, dubitentque, an fidei nostræ mysteria vera non sint & credenda. Semel autem inducto dubio isto & remorsu, si motiva credibilitatis fidei nostræ debitè considerentur, divinique luminis obstacula removeantur, Deusque ut oportet invocetur, motivorum illorum soliditas, & contrariorum slo-

liditas apparebit: cùm motiva fidei nostra debite considerantibus, obstacula removentibus, veritatem sincerè querentibus, Deumque ut oportet invocantibus, *credibilia facta sint nimis*. Dicta verò ignorantia pure negativa, seu inculpata, mysteriorum fidei, licet possit etiam inter fideles reperiri, difficulter admittenda est, utpote rarissimè contingens, uti docent S. Thomas, Bonaventura, Durandus apud Sanchez l. 2. in Decal. c. 3. n. 20. aliisque graves Authores, quos refert, sequiturque Tapia to. 2. lib. 1. de fide q. 2. a. 9.

Et ratio est, quia cùm in Ecclesia tanta ¹⁶⁶ sit abundantia doctrinæ, tanta copia Magistrorum, & Catechistarum, præcipua etiam fidei mysteria quotannis solemniter in Ecclesia celebrentur, valde incurri sunt fœtæ salutis, qui mysteria illa ignorant, difficulterque ignorantia ipsorum censeri potest negativa, & inculpata: cùm ipsi facile sit, in tanta copia Catechistarum, aliquem ipsorum accedere, ad audiendam explicacionem Doctrinae Christianæ. Quod si facere negligant, ipsi imputatur quod ignorant, sicut sibi existit imputatur quod sibi existit, si sibi existit ex eo quod non accedant ad bibendum, vel hauriendum ex copioso flumine ad quod facile possent, si vellent, accedere. In talibus namque cum Petro Oxea tract. mor. de virtut. theol. disput. 2. sect. 2. ignorantiam admittere invincibilem, intollerabilis opinio est.

Praecones tamen fidei & Catechistæ, magis solliciti esse debent de instruendis infidelibus extra Ecclesiam existentibus, quam de fidelibus intra Ecclesiam errantibus. Quia extra Ecclesiam non est salus. Quamvis enim infideles extra Ecclesiam à formalí pectato in easu raro excusari possint per ignorantiam pure negativam, & inculpatam; extra Ecclesiam tamen justificatio & salus esse non potest, nisi forte illis qui in re sic sunt extra Ecclesiam, ut intra eam sint in voto, per veram contritionem, cum voto baptizati.

C A P U T XII.

Ultra præceptum fidei interna, duplex datur præceptum illius, certis in circumstantiis, exterioris confiende.

Datur quippe præceptum negativum, ¹⁶⁸ quo prohibemur fidem negare: *qui enim negaverit me coram hominibus, negabo & ego eum coram Pare meo.* Et istud obligat pro semper. Datur & affirmativum, solum obligans pro certis circumstantiis, quo præcipimus fidem positivè confiteri. Nam Christus non solum dixit Matth. 10. *qui negaverit me, verum addidit Luc. 9. qui me erubuerit, & sermones meos, hunc filius hominis erubescet, cum veneru in maiestate.* Christum

P

Tom. II.